



**NGNGO**  
NEW GENERATION

# ՁԵԿՈՒՅԺ

2023թ. ԻՐԱՎԱԽԱՆՏՈՒՄՆԵՐԻ ՄԱՍԻՆ

# REACT



ային իրավապահ մարմինները  
յցան գործերով խախտ  
կացել դիմել իրավական պաշտ  
են բացահայտել իրենց սեռական  
չստացել են իրենց կյանքի և անվ  
լապահ մարմիններին նախկինում





**Alliance**  
for Public Health

**REACT**  
PROJECT



ՆՈՐ ՍԵՐՈՆԵՂ  
NEW GENERATION

## REAct . 2023թ .-ի Ն ԱՐՁԱՆԱԳՐՎԱԾ ԻՐԱՎԱԽԱՎԻՏՈՒՄՆԵՐԻ ՄԱՍԻՆ ՁԵԿՈՒՅՉ

Ձեկույցը կազմվել է «Նոր Սերունդ» Մարդասիրական ՀԿ-ի կողմից «Հանրային առողջության այլանս»-ի ֆինանսական աջակցությամբ իրականացվող «Արևելյան Եվրոպայի և Կենտրոնական Ասիայի հիմնական բնակչության համար ծառայությունների կայունությունը» ծրագրի շրջանակներում:

Ձեկույցի բովանդակության համար պատասխանատու է «Նոր Սերունդ» Մարդասիրական ՀԿ-ն, և այն պարտադիր չէ, որ արտահայտի «Հանրային առողջության այլանս»-ի տեսակետները:

Ձեկույցը կազմեց **Շուշան Խնկոյանը**

Դիտարկեցին **Սերգեյ Գաբրիելյանը և Ալինա Միրզոյանը**

Ձևավորեց **Լևոն Զիլինգարյանը**



© «Նոր Սերունդ» Մարդասիրական Հասարակական Կազմակերպություն  
Ձեկույցը կամ դրանից հատվածներ օգտագործելիս պարտադիր է հղում տալ  
«Նոր Սերունդ» Մարդասիրական ՀԿ-ին:  
Բոլոր իրավունքները պահպանված են ©NGNGO 2024թ.

- 04 ՀԱՊԱԿՈՒՄՆԵՐ ԵՎ ՀԱՍԿԱՅՈՒԹՅՈՒՆՆԵՐ
- 05 ՆԵՐԱԾՈՒԹՅՈՒՆ
- 06 ՄԵԹՈԴԱԲԱՆՈՒԹՅՈՒՆ
- 07 ՆԵՐՊԵՏԱԿԱՆ ՕՐԵՆՍԴՐՈՒԹՅՈՒՆԸ ԽՏՐԱԿԱՆՈՒԹՅԱՆ ԴԵՄ ՊԱՅՋԱՐԻ ՈԼՈՐՏՈՒՄ
- 08 ԴԵՊՋԵՐԻ ՆԿԱՐԱԳՐՈՒԹՅՈՒՆ
- 21 ԵԶՐԱԿԱՅՈՒԹՅՈՒՆ
- 26 ԱՌԱՋԱՐԿՈՒԹՅՈՒՆՆԵՐ

**ՀՀ** Հայաստանի Հանրապետություն

**ՆԱՀԿ** «Նոր Սերունդ» Մարդասիրական ՀԿ

**ՄԻՎԿ** Մարդու իմունային անբավարարության վիրուս

**ԼԳԲՏ** Լեսբի, գեյ, բիսեքսուալ, տրանսգենդեր

**ԹԾ** Թմրամիջոց օգտագործող

**ՏՍՏ** Տղամարդկանց հետ սեռական հարաբերություն ունեցող տղամարդ

**ՀՌԿ** Հակառետրովիրուսային

**ՍԵՌԱԿԱՆ  
ԿՈՂՄՆՈՐԹՈՒՄ**

Անձի զգացմունքային, հուզական և սեռական գրավչությունների ամբողջությունը, ինչպես նաև ինտիմ և սեռական հարաբերությունները և/կամ հարաբերությունների ցանկությունը այլ անձի հանդեպ

**ԳԵՆԴԵՐՎՅԻՆ  
ԻՆՁՆՈՒԹՅՈՒՆ**

Անձի իր իսկ գենդերի ընկալումն է և անհատական փորձը, որը կարող է համապատասխանել կամ չհամապատասխանել ծննդյան պահին վերագրված սեռին: Այն սոցիալական ինքնության կատեգորիա է և վերաբերում է անձի նույնականացմանը՝ որպես տղամարդ, կին կամ այլ գենդեր

**ՆՈՅՆԱՍԵՌԱԿԱՆ**

Անձ, որը զգացմունքային, հուզական, սեռական և այլ տեսակների գրավչությունների ամբողջություն է դրսևորում նույն սեռի անձանց նկատմամբ

**ՏՐԱՆՍԳԵՆԴԵՐ**

Անձ, որի գենդերային ինքնությունը չի համընկնում ծննդյան պահին վերագրված սեռին

**ՆՍՈՒՆԱԿԱՆՈՒԹՅՈՒՆ**

Նույն կամ էականորեն նման իրավիճակում գտնվող անձանց նկատմամբ տարբերակված վերաբերմունք՝ առանց որևէ օբյեկտիվ հիմքի

**ՀՈՄՓՈԲԻԱ**

Անտրամաբանական և չպատճառաբանված վախ, զգվանք, ատելություն, խտրականություն հոմոսեքսուալ (նույնասեռական) անձանց նկատմամբ, կամ հակազդում հոմոսեքսուալ (նույնասեռական) անձանց վարքին և մշակույթին

**ՏՐԱՆՍՖՈԲԻԱ**

Անտրամաբանական և չպատճառաբանված վախ, զգվանք, ատելություն, խտրականություն տրանս անձանց նկատմամբ, կամ հակազդում տրանս անձանց վարքին և մշակույթին

«Նոր Սերունդ» Մարդասիրական ՀԿ-ն (ՆՍՀԿ) ոչ առևտրային հասարակական կազմակերպություն է, որը հիմնադրվել է 1998թ.-ին Հայաստանում:

Կազմակերպությունն իր գործունեությունն իրականացնում է ելևելով մարդասիրական սկզբունքներից՝ նպաստելու հասարակության և հատկապես խոցելի խմբերի հիմնախնդիրների կարգավորմանը:

ՆՍՀԿ-ի առաքելությունն է խթանել իրավահավասարություն և սոցիալական արդարություն՝ մարդու իրավունքների և շահերի պաշտպանության, առողջապահական ծառայությունների հասանելիության, կարողությունների զարգացման և մարդասիրական աջակցության միջոցով:

Մարդու իրավունքների և շահերի պաշտպանության ուղղվածության գործունեության շրջանակներում ՆՍՀԿ-ն պարբերաբար հրապարակում է զեկույցներ՝ խոցելի խմբերի, այդ թվում՝ լեսբի, գեյ, բիսեքսուալ, տրանս (LGBT) անձանց նկատմամբ իրավախախտումների վերաբերյալ՝ բարձրաձայնելով առկա խնդիրները և օրենսդրական բացերը, ինչպես նաև իրականացնում է ուսումնասիրություններ և վերլուծություններ, ներկայացնում առաջարկություններ՝ ուղղված հիմնախնդիրների կարգավորմանը և օրենսդրական բարեփոխումների իրականացմանը:

Այս ամենին զուգահեռ կազմակերպությունը շարունակաբար մասնակցում է օրենսդրական նախագծերի քննարկումներին, հետևում օրենսդրական բարեփոխումների նախագծերին՝ ներկայացնելով իրավունքակենտրոն առաջարկներ:

ՆՍՀԿ-ն 2023թ-ից իրականացնում է «Արևելյան Եվրոպայի և Կենտրոնական Ասիայի հիմնական բնակչության համար ծառայությունների կայունությունը» ծրագիրը (Ծրագիր), որը ֆինանսավորվում է «Հանրային առողջության այլանսի» կողմից:

Սույն զեկույցում ներկայացված է 2023թ-ին արձանագրված իրավախախտումների դեպքերի մի քանիսի նկարագրությունները: Արձանագրված դեպքերի հիման վրա իրականացվել է վերլուծություն, վեր են հանվել օրենսդրական դաշտում առկա բացերը, ինչպես նաև գործնականում առկա խնդիրները: Վեր հանված խնդիրների հիման վրա զեկույցի վերջին բաժնում ներկայացված են համապատասխան առաջարկություններ:

Սույն զեկույցը կազմվել է REAct տվյալների բազայում ներմուծված իրավախախտումների դեպքերի ուսումնասիրության հիման վրա: REAct տվյալների բազայում ներմուծվել են տարեց մարդու իմունային անբավարարության վիրուսով (ՄԻԱՎ)-ով ապրող անձանց, տարեց LԳՏ, տարեց սեքս աշխատողների, երիտասարդ LԳՏ անձանց, երիտասարդ թմրամիջոց օգտագործողների (ԹՕ), միգրանտների, ՏՍՏ-ների, կանանց, արջիկների, երիտասարդ տղամարդկանց հետ սեռական հարաբերություն ունեցող տղամարդկանց (ՏՍՏ), երիտասարդ սեքս աշխատողների, երիտասարդ ՄԻԱՎ-ով ապրող անձանց, տրանս\*, քուիր բազմազան գենդերային ինքնություն ունեցող անձանց, ինչպես նաև այլ խոցելի խմբերի շրջանում մարդու իրավունքների իրավախախտումների դեպքերը, որոնք տեղի են ունեցել կամ շարունակվել են 2023թ. -ի ընթացքում:

REAct տվյալների բազայից առանձնացվել և զեկույցում ներկայացվել են իրավախախտման առավել հատկանշական դեպքերը: Ներկայացված է տարբեր ոլորտներում և տարբեր խմբերի շրջանում արձանագրված իրավախախտումներից անվազն մեկական դեպք: Հավաքագրված տեղեկատվությունը վերլուծվել է՝ ՀՀ օրենսդրության և ՀՀ-ի կողմից վավերացված միջազգային իրավական ակտերին համապատասխան: ՀՀ ներպետական օրենսդրության մասին առավել լայն պատկերացում կազմելու համար՝ առանձնացված է բաժին, որտեղ նկարագրված է խտրականության վերաբերյալ ներպետական իրավական կարգավորումները: Չեկույցը ամփոփվել է եզրակացությամբ և համապատասխան առաջարկություններով:

# ՆԵՐՊԵՏԱԿԱՆ ՕՐԵՆՍԴՐՈՒԹՅՈՒՆԸ ԽՏՐԱԿԱՆՈՒԹՅԱՆ ԴԵՄ ՊԱՅՔԱՐԻ ՈԼՈՐՏՈՒՄ

ՀՀ Սահմանադրությունը Հայաստանի իրավական համակարգի հիմքն է՝ երկրի հիմնական օրենքը, որին պետք է համապատասխանեն բոլոր օրենքներն ու իրավական ակտերը: Սահմանադրությամբ ամրագրված է, որ ՀՀ-ն ինքնիշխան, ժողովրդավարական, իրավական և սոցիալական պետություն է, և հռչակել է մարդու և քաղաքացու հիմնական իրավունքներն ու ազատությունները:

Հաշվի առնելով ՀՀ-ի անդամակցությունը միջազգային կառույցներին և տրամադրված հանձնարարականները՝ ՀՀ Սահմանադրության ընդունումից ի վեր՝ 1995թ.-ից փոփոխությունների 3 նախագիծ է մշակվել, որոնցից երկուսը ընդունվել են: Այդ փոփոխությունները որակվել են՝ որպես մարդու և քաղաքացու հիմնական իրավունքների ու ազատությունների համապատասխանեցում ՀՀ ստանձնած միջազգային իրավական պարտավորություններին: Սակայն կատարված փոփոխությունները այնքան էլ չեն հարմարեցվել միջազգային պարտավորություններին, մասնավորապես՝ Սահմանադրությամբ նախատեսված է խտրականության արգելքը (հոդված 29), սակայն պաշտպանող հատկանիշների մեջ որպես հիմք ներառված չեն սեռական կողմնորոշումն ու գենդերային ինքնությունը, իսկ միջազգային կառույցների կողմից տրամադրված հանձնարարականների համաձայն՝ խտրականության պաշտպանության հիմքերի շարքում սեռական կողմնորոշումը և գենդերային ինքնությունը պետք է ուղղակիորեն նշված լինեն: Դեռևս 2018թ.-ից շրջանառության մեջ է դրվել «Իրավահավասարության ապահովման մասին» ՀՀ օրենքի նախագիծը՝ իբրև խտրականության վերաբերյալ համապարփակ օրենսդրություն, որը մինչև օրս չի ընդունվել, և փաստացի ոլորտը կարգավորող համապարփակ օրենսդրություն չկա: Մինևույն ժամանակ հարկ է նշել, որ նախագծում նույնպես ՍԿԳԻ-ն ներառված չէ՝ որպես պաշտպանված հիմք:

Խտրականության վերաբերյալ փոփոխություններ կատարվեցին 2022թ.-ին, երբ ուժի մեջ մտավ ՀՀ նոր քրեական օրենսգրքը, որով այն քրեականացվեց (հոդված 203):

Նոր օրենսգրքով նաև փոփոխություններ եղան ՄԻԱԿ վարակի վերաբերյալ կարգավորումներում, մասնավորապես՝ ապաքրեականացվեց <sup>[1]</sup> այլ անձին մարդու իմունային անբավարարության վիրուսի հարուցիչով վարակելու ակնհայտ վտանգի ենթարկելու մասը <sup>[2]</sup>:

Ի տարբերություն ԼԳԲՏ անձանց՝ ՄԻԱԿ դրական կարգավիճակ ունեցող անձանց մասով կան հստակ ամրագրված օրենսդրական երաշխիքներ: Մասնավորապես՝ «Մարդու իմունային անվաբարարության վիրուսից առաջացած հիվանդության կանխարգելման մասին» ՀՀ օրենքով ամրագրված է, որ անձի՝ ՄԻԱԿ-ով վարակված լինելու փաստը չի կարող հիմք հանդիսանալ նրա իրավունքների և ազատությունների սահմանափակման համար՝ բացառությամբ օրենքով նախատեսված դեպքերի <sup>[3]</sup>:

Օրենսդրական փոփոխությունները, մասնավորապես՝ քրեական նոր օրենսգրքի ընդունումը, չնայած առկա բացերին, որոշակի դրական քայլեր են, սակայն այդ փոփոխությունները չեն կարող արդյունավետ լինել, եթե գործնականում չկիրառվեն:

[1] <https://www.orlis.am/documentview.aspx?docid=18952>, հոդված 177  
[2] <https://www.orlis.am/documentview.aspx?docid=110893>, հոդված 123  
[3] <https://www.orlis.am/documentview.aspx?docid=52278>, հոդված 6

ԴԵՊՐԵՏՐԻ

ՆԿԱՐԱԳՐՈՒԹՅՈՒՆՆԵՐ



# ԴԵՎՔ 1

## Նկարագրություն

2023թ-ի հունվարի 2-ի գիշերը SUS անձանց մի խումբ կանգնած է եղել SUS անձանց հավաքատեղիում:

Գիշերը՝ մոտավորապես 02:40-ի սահմաններում, հանկարծակի ժամանել են ոստիկանական մեքենաներ, և մեքենաներից դուրս են եկել 2 ոստիկաններ, որոնք միանգամից բռնել են Ա.Ե.-ին: Տեսնելով, որ հավաքված SUS անձանցից շատերը հասցրել են փախչել տարբեր ուղղություններով, ոստիկանները հետևել են նրանց և կանգնեցրել ևս երկու SUS անձի:

Փողոցում՝ ոստիկանական մեքենայի մոտ, ոստիկանները երեք տղաներից պահանջել են դատարկել գրպանները, պայուսակները, ապա նրանց տարել են ոստիկանության բաժին:

Կենտրոնի ոստիկանության բաժնում նրանց պահել են 40 րոպե: Այն բանից հետո, երբ այդ երեք տղաները պատասխանել են ոստիկանների հարցերին, թե ինչ էին անում այդ ուշ ժամին, տեղյա՞կ են արդյոք, որ այդտեղ հավաքվում են SUS-ները, և արդյոք թմրանյութ օգտագործո՞ւմ են, թե՞ ոչ: Այնուհետև, ոստիկանները համոզվելով, որ այդ երեք տղաների մոտ արգելված որևէ նյութ չկա՝ ծակող առարկաներ, թմրամիջոցներ, ասել են, թե հարևան մուտքի բնակիչների կողմից բողոք է եղել արմուկի վերաբերյալ:

Երեք տղաներին բաց են թողել՝ խորհուրդ տալով այլևս չհայտնվել այդ վայրում, և ավելացրել են, որ նրանք պետք է սկսեն «սիրել» արջիկներին:



### Իրավունքի խախտման տեսակը

Խտրականությունից գերծ մնալու իրավունք, կամայական ձերբակալությունից/կալանքից գերծ մնալու իրավունք:



### Խտրականության հիմքը

Սեռական կողմնորոշում:



### Գործի ընթացքը

Տուժողները ոստիկանների դեմ բողոք չեն ներկայացրել: Չրույցել են բաժնի ղեկավարի հետ, ով վստահեցրել է, որ նման բան այլևս չի կրկվի, և որ բաժնի ղեկավարը անձամբ կխոսի ոստիկանների հետ:

# ԴԵՎՔ 2

## Նկարագրություն

Տուժողը նույնատեսական անձ է և համացանցով ծանոթացել է մի տղայի հետ, ում պատասխան ուղարկել է իր ինտիմ բնույթի լուսանկարները: 2023թ-ի հունվարի 19-ին այդ տղան տուժողին սկսել է սպառնալ՝ ասելով, որ նա այդ լուսանկարները կուղարկի տուժողի ծնողներին, եթե իրեն միևնույն օրվա վերջ չտա 100.000 դրամ: Տուժողը նրան ուղարկել է պահանջված գումարը, սակայն սպառնացողը երկու օր անց նորից է պահանջել 100.000 դրամ:



### Իրավունքի խախտման տեսակը

Խտրականությունից գերծ մնալու իրավունք, պատվի, արժանապատվության և համբավի պաշտպանության իրավունք, օրենքի առջև հավասարության և պաշտպանության իրավունք, անձնական կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք:



### Խտրականության հիմքը

Սեռական կողմնորոշում:



### Գործի ընթացքը

Ռեակտորի աջակցության շնորհիվ՝ անձը ինքնասպանություն չի գործել: Ոստիկանության բաժնում հարցրում է ներկայացվել:

Տուժողը այդ չափի գումար չի ունեցել: Դրանից հետո սպանացողը տուժողի հորը նամակ է ուղարկել և հայտնել, որ իր տղան նույնաստեղծական է, և եթե մինչև հաջորդ օրվա ավարտը նրան 200.000 դրամ չկան, ապա տղայի բնույթի լուսանկարները կտեղադրի համացանցում: Այդ ամենի հետևանքով տուժողի հայրը որդուն ծեծի է ենթարկել և ասել, որ նրան նույնաստեղծական տղա պետք չէ:

Այդ ժամանակ տուժողը, խորը անհանգստության մեջ, որոշել է ինքնասպանություն գործել, ուստի շարժվել է դեպի կամուրջը:

Սկզբում ոստիկանները չեն ցանկացել հաղորդումն ընդունել՝ ասելով քանի դեռ տեսանյութը չի հրապարակվել, պետք է երջանիկ լինել և շարունակել վայելել կյանքը: Միայն թեժ գիծ զանգահարելուց հետո են ոստիկանները հաղորդումը ընդունել: Մի քանի օր անց հանցագործը հայնտնաբերվել է և նրա հետ պրոֆիլակտիկ բնույթի զրույց է անցկացվել: Արդյունքում, հանցագործն այլևս չի անհանգստացնում տուժողին, և վերջինս հաշտվել է ընտանիքի հետ՝ ձևացնելով, թե այդ ամենը սուտ է եղել:

## ԴԵՎՈՒՔ 3

### Սկարագրություն

2023թ.-ի մարտի 4-ին Երևան քաղաքի հանցյան փողոցում դանակի 10 հարվածի հետևանքով սպանվել է տրանս անձ, ով սեռական ծառայություն մատուցող է եղել: Նրան սպանել են երկու երկվորյակ եղբայրներ, որոնք հաճախ էին այցելում այն վայրը, որտեղ հավաքվում են տրանս սեքս աշխատողները: Հանցագործները ակոհոլի ազդեցության տակ մոտեցել են տրանս անձին, հայիոյել և ծեծել են, որից հետո եղբայրներից մեկը գրպանից հանել է դանակը և 10 անգամ հարվածել նրան: Ըստ ստացված տեղեկությունների՝ այդ եղբայրները առաջին անգամը չէ, որ տրանս անձին ծեծի են ենթարկել: Դեպքից հետո համացանցում բազմաթիվ նյութեր են տեղադրվել, սակայն ոչ մի նյութում չի նշվել, որ սպանվածը տրանսգենդեր կին է[4]:



**Իրավունքի խախտման տեսակը**

Կյանքի իրավունք:



**Խտրականության հիմքը**

Գենդերային ինքնություն:



**Գործի ընթացքը**

Տուժողը մահացել է: Ոստիկանությունը ձերբակալել է հանցագործին: Նախաձեռնվել է քրեական վարույթ, որը շարունակվում է:

## ԴԵՎՈՒՔ 4

### Սկարագրություն

ՄԻՎԿ դրական կարգավիճակ ունեցող տղան բնակարան է վարձել Վանաձոր քաղաքում: Վարձատուի հետ հարաբերությունները շատ ջերմ են եղել: 2023թ.-ի մարտի 10-ին վարձատուն, առանց նախապես զգուշացնելու, այցելել է բնակարան, և առանց որևէ բացատրության՝ պահանջել տղայից լքել բնակարանը: Տղան պնդել է հայտնել իրեն, թե ինչ է կատարվում և



**Իրավունքի խախտման տեսակը**

Խտրականությունից զերծ մնալու իրավունք, ազատ տեղաշարժելու և բնակության վայր ընտրելու իրավունք:

ինչու է տանտերը այդպես վատ վարվում իր հետ, քանի որ Նախկինում ամեն ինչ լավ է եղել: Սեփականատերը վերցրել է տղայի դեղատուփը, որը սեղանի վրա է դրված եղել, և նրան դա ցույց տալով՝ ասել, թե գիտեր, որ նրա հետ մի բան այն չէ: Չետո ավելացրել է, որ տղան «սպիդովկա» է, և իրեն այդ մասին չի տեղեկացրել: Տղան ստիպված է եղել հավաքել իրերը և ազատել տունը՝ գնալով ընկերներից մեկի տուն:

Չետո պարզվել է, որ վանաճորում իրեն բուժօգնություն տրամադրող բժիշկներից մեկը մտերիմ է եղել բնակարանի տիրոջ հետ, և երբ իմացել է, թե ով է նրա տան վարձակալը, այդ մասին հայտնել է տանտիրոջը՝ և ասելով, որ իր բնակարանը սխալ մարդու է վստահել:



**Խտրականության հիմքը**

ՄիևՎ դրական կարգավիճակ:



**Գործի ընթացքը**

Դեպքի մասին հայտնի է դարձել մի քանի ամիս անց: Տուժողը չի ցանկացել գործին ընթացք տալ, քանի որ չի ցանկացել հիշել կատարվածը, չի հավատում գործի դրական ելքին:

## ԴԵՎՔ 5

### Նկարագրություն

Ս.-ն 19 տարեկան է, և շուրջ երկու տարի իր ընտանիքում ենթարկվել է բռնության՝ հոգեբանական և ֆիզիկական: Չայրը մշտապես Ս.-ին վիրավորել է և հոգեբանորեն ճնշում գործադրել՝ հայհոյել, ասել, որ նա ուղղակի իրենց խայտառակությունն է և ամաչում են, որ «նման» արջիկ ունեն: Այդ ամենը հետագայում վերածվել է ֆիզիկական բռնության՝ ծեծ: Տարիներ շարունակ այդ իրավիճակը հանդուրժելուց հետո Ս.-ն 2023թ.-ի փետրվար ամսին փախել է տանից և բնակություն հաստատել իր տատիկի տանը: Ընտանիքի անդամները՝ հայրը, մայրը և եղբայրը, պարբերաբար փորձել են նրա հետ զրուցել և տանել տուն, սակայն չի ստացվել: Ս.-ի եղբայրը 2023թ.-ի մարտի 15-ի առավոտյան Ս.-ին, ֆիզիկական ուժ կիրառելով, տարել է տուն, որտեղ վերջինիս փակի տակ են պահել, վերցրել նրա հեռախոսը և ընկերները չեն կարողացել կապ հաստատել նրա հետ: Դեպքի մասին հայտնել է Ս.-ի ընկերուհին՝ Ա.-ն:



**Իրավունքի խախտման տեսակը**

Անձնական անձեռնմխելիության և բռնությունից զերծ լինելու իրավունք, խտրականությունից զերծ մնալու իրավունք, պատվի, արժանապատվության և համբավի պաշտպանության իրավունք, ազատ տեղաշարժվելու և բնակության վայր ընտրելու իրավունք:



**Խտրականության հիմքը**

Սեռական կողմնորոշում, սեռ:



**Գործի ընթացքը**

Ս.-ի ընկերուհին՝ Ա.-ն ուղղորդվել է ՆՍԴԿ՝ իրավաբանական խորհրդատվություն ստանալու: Պայմանավորվածություն է ձեռք բերվել, որ եթե ընկերուհին մեկ օրվա ընթացքում չկարողանա կապ հաստատել Ա.-ի հետ, ապա վերջինս կդիմի ոստիկանություն: Որոշ ժամանակ անց տուժողին հաջողվել է փախչել տնից և գտնվել ապահով վայրում: Տուժողը չի ցանկացել բողոք ներկայացնել, քանի որ տնից դուրս գալուց հետո կարողացել է օգտվել ազատ տեղաշարժվելու իր իրավունքից և զերծ է եղել բռնությունից:

# ԴԵՎՔ 6

## Նկարագրություն

Լ.-ն բնակվել է վարձով բնակարանում, որի պայմանագիրը ի սկզբանե կնքվել է 1 տարի ժամկետով, և վերջնաժամկետը սեպտեմբեր ամսին էր:

Լ.-ն տրանս անձ է, սակայն այդ մասին բնակարանի սեփականատերը չի իմացել: 2023թ.-ի մայիսի 24-ին բնակարանի սեփականատերը առանց Լ.-ին տեղեկացնելու այցելել է բնակարան՝ հետազայում հիմնավորելով, թե ըստ պայմանագրի՝ իրավունք ունի ցանկացած ժամանակ գալ և ստուգել բնակարանի վիճակը: Լ.-ն այցի պահին հագուստափոխ վիճակում է եղել, և վարձատուն, տեսնելով դա, արմուկ է բարձրացրել, պահանջել Լ.-ից լքել բնակարանը: Լ.-ն հրաժարվել է հեռանալ՝ հիշեցնելով պայմանագրի մասին, սակայն բնակարանի սեփականատերը սպառնացել է դիմել ոստիկանություն և այդպես նրան հեռացնել տանից:



### Իրավունքի խախտման տեսակը

Խտրականությունից զերծ մնալու իրավունք, անձնական կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք:



### Խտրականության հիմքը

Զեկերային ինքնություն:



### Գործի ընթացքը

Լ.-ն ուղղորդվել է ՆԱՅԿ: Իրավաբանական խորհրդատվության արդյունքում դիմողը շարունակել է բնակվել բնակարանում, և վարձատուն իրավական աուումով չի կարողացել ստիպել անձին հեռանալ:

# ԴԵՎՔ 7

## Նկարագրություն

Դ.-ն հանդիսանում է թմրանյութ օգտագործող անձ և մոտ յոթ տարի առաջ իր ընտանիքի հետ հայրենադարձվել է Չայաստան՝ մշտական բնակություն հաստատելու նպատակով: Դ.-ն սովորում է ծրագրավորում և ունի բարձր առաջադիմություն, ինչի արդյունքում անձանոթ անձինք հայտնում են (անհայտ է թե ինչպես), որ ցանկանում են համագործակցել նրա հետ: Դ.-ն համաձայնվել է համագործակցել՝ խնդրելով նշել, թե ինչ են ցանկանում: Չետազայում պարզվել է, որ առաջարկություն արած անձինք ազգային անվտանգության աշխատակիցներ են, և մոտ մեկ ու կես տարի անձի հետ հանդիպումներ են ունեցել, սակայն այդպես էլ հստակ չեն տեղեկացրել, թե ինչ են ուզում Դ.-ից: 2023թ.-ի հունիսի 7-ին այդ անձինք կրկին այդ անձինք զանգահարել են Դ.-ին և խնդրել հանդիպում, որից Դ.-ն չի հրաժարվել: Նույն օրը տեղի է ունեցել հանդիպումը և Դ.-ն նրանց հայտնել է, որ հրաժարվում է այլևս հանդիպել: Այդ անձինք Դ.-ին ասել են, որ իրենք տեղյակ են նրա թմրանյութ գործածելու մասին, և Դ.-ին իբրև սպառնալիք հասկացրել են, թե պետք է շատ զգույշ լինի, որպեսզի չբռնվի:



### Իրավունքի խախտման տեսակը

Ստրկության չէնթարկվելու իրավունք, անձնական կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք:



### Խտրականության հիմքը

Թմրամիջոցների օգտագործում, սեռական կողմնորոշում:



### Գործի ընթացքը

Դ.-ն չի ցանկացել գործին ընթացք տալ, քանի որ չի հավատում գործի դրական ելքին և չի ցանկանում

Դ.-ն վախեցել է և այդ ամբողջի մասին պատմել հորը:  
 Դ.-ի հայրը հանդիպել է այդ անձանց հետ: Վերջիններս հայտնել են Դ.-ի՝ թմրանյութեր օգտագործելու մասին, ինչպես նաև այն, որ Դ.-ն ընկերություն է անուս նույնասեռական տղաների հետ:

Ժամանակ և ջանք ծախսել իր իրավունքները պաշտպանելու ուղղությամբ:

## ԴԵՎՔ 8

### Նկարագրություն

Հունիսի 24-ին ոստիկանները խուզարկություն են իրականացրել Երևան քաղաքի Բան ակումբում և թմրանյութերի հետ կապված տարբեր մեղադրանքներով՝ բերման ենթարկել երեսուներե հոգու: Բերման ենթարկվածների թվում է եղել նաև Ռուսաստանի Դաշնության քաղաքացի Ելիզավետա Ղանիլչևան: Մինչև հիմա նա պահվում է Աբովյան քրեակատարողական հիմնարկում: Ղանիլչևան երեսուներե կալանավորներից միակն է, ում մեղադրանք է առաջարկվել, և գործն այժմ դատարանում է: Ելիզավետան Հայաստան է տեղափոխվել Ռուսաստանից և ամուսնացել Երևանում: Ամուսինները աշխատել են՝ որպես գրաֆիկ դիզայներներ: Ամուսինը՝ Մաքսիմենկոն, պատմել է, որ այդ օրը «Բան» ակումբ էին գնացել իրենց ընկերներից մեկի հարսանիքի խնջույքին: Ելիզավետան և մի քանի հոգի ակումբի սենյակներից մեկում սեղանի շուրջ նստած են եղել, երբ ոստիկանները ներխուժել են ակումբ: Սեղանի վրա դրված է եղել 1,47 գրամ փոշիանման զանգված պարունակող պոլիէթիլենային փաթեթ: Հետագայում փորձաքննությունը պարզել է, որ փաթեթում եղել է մեթամֆետամին տեսակի թմրանյութ: Ակումբից հայտնաբերվել է նաև որոշ քանակությամբ մարիխուանա: Ելիզավետայի ամուսինը պատմել է, որ իր կնոջը հարցաքննել են առանց փաստաբանի, պատշաճ չեն բացատրել նրա իրավունքները, հոգեբանական բնության են ենթարկել: Կինը հնարավորություն չի ունեցել լիարժեք հասկանալու, թե ինչ է կատարվել: Ըստ կնոջ ամուսնու՝ ոստիկանները սուտ ցուցմունքներ են տվել ակումբում տեղի ունեցածի վերաբերյալ:

Սա ապացուցվել է ոստիկաններին ամրակցված սարքերի տեսաձայնագրություններով և թմրանյութեր իրացնելու մեղադրանքն ամբողջովին կառուցված է ոստիկանների սուտ ցուցմունքների վրա, որն է ապացույց չկա:

Ամուսնու խոսքով՝ Ելիզավետան պատրաստ է ընդունել իր մոտ թմրանյութ պահելու մեղադրանքը, բայց շահադիտական նպատակով թմրանյութեր իրացնելու մեղադրանքը, ըստ նրա, ամբողջովին շինծու է:

Մաքսիմենկոն հայտնել է, որ չի հասկանում, թե ինչու են Ելիզավետայի համար, որպես խափանման միջոց, ընտրել ամենախիստ միջոցը՝ կալանքը, այն դեպքում, երբ կարող էին ընտրել ավելի մեղմ միջոց, օրինակ՝ տնային կալանք: Ըստ նրա՝ կալանքը, որպես խափանման միջոց, ընտրվել է այն պատճառով, որ նա Ռուսաստանի Դաշնության քաղաքացի է:



#### Իրավունքի խախտման տեսակը

Խտրականությունից զերծ մնալու իրավունք, կամայական ձերբակալությունից/կալանքից զերծ մնալու իրավունք:



#### Խտրականության հիմքը

Թմրամիջոցի օգտագործում:



#### Գործի ընթացքը

Տուժողն ունի անձնական իրավաբան և գործը գտնվում է ընթացքի մեջ:

# ԴԵՎՈՒՐ 9

## Նկարագրություն

2023թ-ի հունիսի 28-ին տուժողը իր ընկերուհիների հետ գնացել է հյուրանոց՝ սեռական ծառայություն մատուցելու համար: Դուրս գալուց հետո ոստիկանության աշխատակիցները կանգնեցրել են նրանց ավտոմեքենան և հայտնել, որ պետք է ստուգեն մեքենան և փաստաթղթերը:

Ոստիկանները, արջիկների պահվածքից հասկանալով, որ նրանք զբաղվում են սեռական ծառայությունների մատուցմամբ, սկսել են ագրեսիվ վերաբերվել նրանց, բռնաբռնել և քաջջջել: Արջիկներից մեկի հարցին, թե ինչու են այդպես վերաբերվում, ոստիկաններից մեկը պատասխանել է, որ նրանք դրան են արժանի:

Ծեծկոտուք է սկսվել, արջիկները սկսել են վրդովվել, ինչի արդյունքում ոստիկանը հարվածել է արջիկներից մեկին և գցել գետնին: Այդ ժամանակ նրանց է մոտեցել մեքենայի վարորդը՝ տեղեկանալու, թե ինչ է կատարվում: Ոստիկանը նրա աչքերին գազ է փչել, որը ժամանակավոր կուրացնում է: Բացի վարորդից՝ բոլոր արջիկները ավիոհոլի ազդեցության տակ են եղել: Արջիկներին կոպիտ ձևով տեղափոխել են ոստիկանության բաժին, ասել, որ նրանց պետք է զննեն վկաների ներկայությամբ, և ներս են բերել այլ ձերբակալված սեռական ծառայություն մատուցող անձանց: Ոստիկանները տուժողներին ասել են, որ մերկանան, սակայն արջիկները նկատելով տեսախցիկները, հրաժարվել են: Երկար դիմակայությունից հետո վերջապես նրանց տեսախցիկներից հեռու են տարել: Տուժողներին շարունակել են ոստիկանությունում պահել 14 ժամ, որից հետո նոր բաց են թողել: Մինչ տուժողների հեռանալը, նրանց վրա հարձակված պարեկներից մեկն արջիկներին ասել է, որ բոլորին պետք է դատել և մաքրել:



### Իրավունքի խախտման տեսակը

Անձնական անձեռնմխելիության և բնությունից գերծ լինելու իրավունք, խտրականությունից գերծ մնալու իրավունք, կամայական ձերբակալությունից/կալանքից գերծ մնալու իրավունք, օրենքի առջև հավասարության և պաշտպանության իրավունք :



### Խտրականության հիմքը

Սեռական ծառայությունների մատուցում:



### Գործի ընթացքը

Տուժողները բողոք են ներկայացրել պարեկային ծառայության աշխատակիցների դեմ: Գործը գտնվում է ընթացքի մեջ:

# ԴԵՎՈՒՐ 10

## Նկարագրություն

2023թ.-ի հուլիսի 5-ին՝ ժամը 14:00-ի սահմաններում, ՆԱՅԿ ատերիք, տրանս կին ակտիվիստ Ն.Մ.-ն ՄԻԱԿ-ի վերաբերյալ խորհրդատվություն տրամադրելու և թեստավորում իրականացնելու նպատակով գտնվել է Երևան քաղաքի Շենգավիթ վարչական շրջանում:

Այդ ընթացքում նրան է մոտեցել է անծանոթ տղամարդ: Նկատելով ու ճանաչելով տրանս ակտիվիստին՝ տղամարդը վիրավորական



### Իրավունքի խախտման տեսակը

Անձնական անձեռնմխելիության և բնությունից գերծ լինելու իրավունք, խտրականությունից գերծ մնալու իրավունք:



### Խտրականության հիմքը

Գենդերային ինքնությունը:



### Գործի ընթացքը

արտահայտություններ է հնչեցրել, ինչպես նաև խոչընդոտել է իրականացնել ՄԻԱԿ վարակի կանխարգելման ծրագրի շրջանակներում իրականացվող ծառայությունների մատուցումը<sup>[5]</sup>: Այն բանից հետո, երբ անձինք ուշադրություն չեն դարձրել անձանոթին, և որոշել են հեռանալ թեստավորման վայրից, անձանոթը սկսել է հարվածել տրանս անձի մարմնի տարբեր հատվածներին՝ պատճառելով մարմնական վնասվածքներ:

Շահառուն, տեսնելով դա, փախել է թեստավորման վայրից՝ մենակ թողնելով տրանս կնոջը:

Տրանս կինը ահագանգել է ոստիկանություն, և դեպքի վայր ժամանած ոստիկանները անձանոթ անձին բերման են ենթարկել Երևան քաղաքի Շենգավիթ վարչական շրջանի ոստիկանության բաժին: Գործով նախաձեռնվել է քրեական վարույթ: Նշանակվել է դատաբժշկական փորձաքննություն: ՆԱՅԿ-ի կողմից անձին տրամադրվում է իրավական աջակցություն: Արդյունքում, հնարավոր է եղել արձանագրել հասցագործության կատարման փաստը և հասնել քրեական գործի հարուցման: Գործը ընթացքի մեջ է:

## ԴԵՊՐ 11

### Սկարագրություն

2023թ.-ի հուլիսի 6-ին Ռ.Ա.-ն (52 տարեկան է) զբոսնելիս է եղել Կ.Դեմիրճյանի անվան մարզահամերգային համալիրի տարածքում և որոշել է ոտքով քայլել դեպի տուն: Երբ դուրս է եկել համալիրի տարածքից և շարժվել է Հրազդան մարզադաշտի ուղղությամբ, նրան է մոտեցել LADA մակնիշի ավտոմեքենա առանց պետհամարանիշի: Մեքենայից դուրս են եկել 2 տղաներ՝ մոտ 30-35 տարեկան, և կանգնեցրել են Ռ.Ա.-ին: Կանգնեցնողները եղել են քաղաքացիական հագուստով, նրանցից մեկը ցույց է տվել վկայականը և հայտնել, որ ոստիկանության կենտրոնական բաժնից է: Ռ.Ա.-ն չի հասցրել ուշադիր նայել վկայականի նշանին և ինդրել է, որ նորից ցույց տան: Ինդրանքին պատասխանել են, որ եթե չի հասցրել նայել նշանը, ապա թող դիմի ակնաբույժի: Նրանք հարցրել են Ռ.Ա.-ի անունը, որտեղից է գալիս և ուր է գնում: Ռ.Ա.-ն պատասխանել է բոլոր հարցերին, ապա հարցրել, թե ինչ է կատարվում և ինչու են նրան կանգնեցրել: Այդ տղաներից մեկը պատասխանել է, որ հարցերը իրենք են տալիս և պահանջել է Ռ.Ա.-ից բացել պայուսակը, ինչպես նաև ցույց տալ գրպանների պարունակությունը: Ռ.Ա.-ն պահանջել է ցույց տալ համապատասխան որոշումը: Այդ տղաները ծիծաղել են և ասել, որ եթե Ռ.Ա.-ն ցույց չտա պայուսակի և գրպանների պարունակությունը, ապա նրանք կգնան բաժին, որտեղ նա ոչ միայն ցույց կտա պարունակությունը, այլ նաև «կերգի» իր կողմնորոշման մասին: Ռ.Ա.-ն հարցրել է, թե որտեղից են ենթադրել, իր սեռական կողմնորոշումը: Տղան, ի պատասխան, ասել է, որ նրա նմաններին տեսնում են հեովից, և որ ոչ մի «նորմալ» տղա այդպիսի պատահուկաբ ջինսեր չի հագնի, վերջում էլ ավելացրել են թե Ռ.Ա.-ն «տիպիկ թմրամոլի դեմք» ունի:



#### Իրավունքի խախտման տեսակը

Խտրականությունից զերծ մնալու իրավունք, կամայական ձերբակալությունից/կալանքից զերծ մնալու իրավունք:



#### Խտրականության հիմքը

Սեռական կողմնորոշում, թմրամիջոցի օգտագործում:



#### Գործի ընթացքը

Դիմողը որևէ բողոք չի ներկայացրել, քանի որ չի վստահում իրավապահ մարմիններին, ինչպես նաև չի հավատում գործի դրական ելքին:

[5] <https://nqngo.net/2023/07/07/tiraxovorvum-e-trans-aktivist-nskh-aurich/>

# ԴԵՎՈՒՆ 12

## Սկարագրություն

Սեռական ծառայություն մատուցող կնոջ մշտական հաճախորդը Նրան ամուսնության առաջարկություն է արել և խոստացել, որ աչք կփակի այն հանգամանքի վրա, որ նա սեռական ծառայությունների մատուցմամբ է զբաղվել և նրա հետ սիրով կապրի: Ամուսնությունից մեկ ամիս անց տղան տուն է եկել և հայտնել, որ մեծ գումար է պարտք, և կինը նորից պետք է սկսի սեռական ծառայություններ մատուցել: Կինը մերժել է և հիշեցրել տղայի խոստումները: Ամուսինը բարկացել է և դաժան ծեծի ենթարկել կնոջը՝ կապտեցնելով ամբողջ մարմինը և կոտրելով ատամը:

Ոչաբաթ անց ամուսինը ստեղծել է օնլայն էջ, կնոջ անունից հաճախորդների հետ պայմանավորվել և նրանց հրավիրել իրենց տուն, որից հետո կնոջը ստիպել է ծառայություն մատուցել:

Այդպիսով, նա լ ամիս շարունակ ամեն օր կնոջը ծեծի է ենթարկել և ստիպել սեռական ծառայություններ մատուցել:



### Իրավունքի խախտման տեսակը

Անձնական անձեռնմխելիության և բռնությունից զերծ լինելու իրավունք, հստրականությունից զերծ մնալու իրավունք, ստրկության չենթարկվելու իրավունք, խոշտանգումներից և անմարդկային, արժանապատվությունը նվաստացնող վերաբերմունքից կամ պատժից զերծ մնալու իրավունք:



### Խտրականության հիմքը

Սեռական ծառայությունների մատուցում, սեռ:



### Գործի ընթացքը

Կնոջ ընկերուհին, տեղեկանալով այդ ամենի մասին, 2023թ. -ի հուլիս ամսին հանցագործության մասին հարզորդում է ներկայացրել: Արդունքում գործը փոխանցվել է դատարան:

# ԴԵՎՈՒՆ 13

## Սկարագրություն

2023թ. -ի օգոստոսի 2-ին Ա.Օ.-ն (43 տարեկան) դիմել է ՀՀ Ինֆեկցիոն հիվանդությունների ազգային կենտրոն՝ ՄԻԱՎ-ի նկատմամբ հետազոտության համար, քանի որ անպաշտպան սեռական հարաբերություն է ունեցել մի տղամարդու հետ, և որոշել է հետազոտություն անցնել: Թեստ հանձնելուց հետո Ա.Օ.-ն տաքսի է պատվիրել Յանդեքս հավելվածով: Տաքսու վարորդը նրա ծանոթն է եղել, միասին աշխատում են Երևանի շուկաներից մեկում: Նրանք ամբողջ ճանապարհին զրուցել են, իսկ վերջում վարորդը հարցրել է, թե Ա.Օ.-ն էր անում այդ կենտրոնում: վերջինս պատասխանել է, որ եկել է՝ հետազոտություն անցնելու իր հանգստության համար, և նույնը խորհուրդ է տվել վարորդին: Հաջորդ օրը առավոտյան Ա.Օ.-ն գնացել է աշխատանքի և զգացել, որ շուկայում բոլորը իրեն տարօրինակ կերպով են նայում: Ըստ Ա.Օ.-ի՝ նախկինում բոլորով ճաշել են, սուրճ խմել և թղթախաղ խաղացել, սակայն այդ օրվանից հետո բոլորը իրենից մեկուսացել են, խուսափել շփվել:

Այդ ամենը շարունակվել է մեկ շաբաթ և Ա.Օ.-ն որոշել է աշխատակիցներից մեկին, ում հետ ընկերություն է արել, հարցնել, թե ինչ է կատարվում: Աշխատակիցը ասել է, որ տաքսու վարորդը զանգահարել է մի քանի աշխատողների և ասել, թե Ա.Օ.-ն ՄԻԱՎ ունի, և



### Իրավունքի խախտման տեսակը

Խտրականությունից զերծ մնալու իրավունք, պատվի, արժանապատվության և համբավի պաշտպանության իրավունք, անձնական



որ անձամբ է նրան տեսել, ՁԻԱԴ-ի կենտրոնից տարել տուն: Ահա այդ պատճառով են բոլոր աշխատողները նրանից խուսափում, քանի որ վախենում են վարակվել: Ա.Օ.-ն աշխատողին ասել է ճիշտը, որ նա հետազոտություն է անցել, որովհետև անպաշտպան սեռական հարաբերություն է ունեցել: Որոշ ժամանակ անց շուկայի աշխատողների վերաբերմունքը ավելի է վատացել, Ա.Օ.-ի կողքով անցնելիս բարձրաձայն վիրավորական խոսքեր են ասել (վարակիչ, սպիդովկա և այլն): Մի քանի տարեց կանայք նկատողություն են արել՝ ասելով, թե Ա. Օ.-ն պետք է ամաչի, որ այդ ախտորոշմամբ աշխատում է, դիպչում է իրերին և այդ «կեղտը» փոխանցում այլ անձանց:

կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք:



**Խտրականության հիմքը**

ՄԻԱՎ դրական կարգավիճակ:



**Գործի ընթացքը**

Ա.Օ.-ի հետազոտության արդյունքը բացասական է եղել, սակայն նա դադարել է գնալ աշխատանքի, քանի որ իրեն ոչ ոք չի հավատում, և ըստ անձի՝ աշխատանքի վայրում անկիրթ աշխատողներ են, ու նա չի կարող ոչ մեկին բացատրել, որ, եթե անգամ ունենա ՄԻԱՎ, ապա առօրյայում ոչ մեկին չի կարող վարակել: Իր ապրանքները վաճառել է ցածր գնով և հեռացել շուկայից:

## ԴԵՎՈՒՅՑ 14

### Նկարագրություն

2022թ.-ի ամռանը Գյումրի քաղաքում մի խումբ անձինք դաժան ծեծի էին ենթարկել տրանս անձի: Ոստիկանությունը մեկ տարվա ընթացքում գործը չի բացահայտել՝ բացատրելով, թե փողոցի տեսախցիկները հանցագործների դեմքերը չեն ֆիքսել:

2023թ.-ի օգոստոսի 4-ի գիշերը Նույն հարձակվողները նորից դաժան ծեծի են ենթարկել տուժողին: Վերջինս զբոսնելիս է եղել Նույն վայրում, որտեղ նախորդ անգամ հարձակվել էին:

Ըստ տուժողի՝ այդ տղաները եղել են մեքենայի մեջ և իրեն տեսնելով միանգամից դուրս են եկել մեքենայից և հարձակվել: Բռնել են նրան, գցել գետնին, ոտքերով հարվածել են որովայնին և գլխին, հետո ծիծաղել նրա վրա, որ բողոք է ներկայացրել ոստիկանություն: Ապա ծաղրանքով ասել են, որ իրենց չեն բռնել և չեն բռնի, քանի որ տրանս անձանց հետ այդպես է պետք վարվել: Նրանք հեռացել են միայն այն ժամանակ, երբ հոգնել են: Վերջում խորհուրդ են տվել այլևս այդ հաստվածում չզբոսնել:



**Իրավունքի խախտման տեսակը**

Անձնական անձեռնմխելիության և բռնությունից զերծ լինելու իրավունք, խտրականությունից զերծ մնալու իրավունք, ազատ տեղաշարժվելու և բնակության վայր ընտրելու իրավունք:



**Խտրականության հիմքը**

Գենդերային ինքնություն:



**Գործի ընթացքը**

Հանցագործության մասին հաղորդում է ներկայացվել ոստիկանություն:

# ԴԵՎՔ 15

## Նկարագրություն

Ռ.Օ.-ն սովորում էր Երևանի պետական համալսարանի երկրորդ կուրսում: Առաջին կուրսում նա շատ ընկերներ է ունեցել իր կուրսից: Ամառային արձակուրդների ժամանակ Ռ.Օ.-ն որոշել է գրանցվել նույնաստեղծական անձանց ծանոթությունների հավելվածում՝ գույզներ գտնելու նպատակով: Անձնական նամակագրությամբ ուղարկել է իր լուսանկարը, որտեղ երևացել է դեմքը: Զանի որ հավելվածում հնարավոր չէ էկրանակադր անել, ուստի հանգիստ ուղարկել է լուսանկար իր դեմքով: Սեպտեմբերի 1-ին, երբ գնացել է համալսարան, մոտեցել է համակուրսեցիներին և ձեռք մեկնել՝ բարևելու համար, սակայն ոչ ոք փոխադարձ չի պատասխանել, որից նա սկսել է նյարդայնանալ՝

չհասկանալով թե ինչ է կատարվում: Առաջին դասին, երբ դասախոսը բոլորին հարցրել է, թե ինչպես են անցկացրել արձակուրդները, համակուրսեցիներից մեկը պատասխանել է, որ բոլորի արձակուրդները լավ են անցել, բայց Ռ.Օ.-ինը ամենալավն ու ամենաթեժն է եղել: Բոլորը ծիծաղել են, բայց Ռ.Օ.-ն կրկին չի հասկացել, թե ինչ է կատարվում: Ընդմիջմանը նա հարցրել է համակուրսեցուն, որը տեղեկացրել է, թե բոլորը տեսել են նրա նկարը նույնաստեղծականների ծանոթության հավելվածում: Ռ.Օ.-ն պարզել է, որ իր որ համակուրսեցիներից մեկի ընկերը ևս գրանցված է այդ հավելվածում, և երբ նա ուղարկել է իր նկարը, այդ տղան այլ հեռախոսով նկարել է այն և ուղարկել ընկերոջը: Ռ.Օ.-ն գնացել է տուն՝ չհիմանալով ինչ անել:

2023թ-ի սեպտեմբերի 7-ին Ռ.Օ.-ն իր մեջ ուժ է հավաքել և նորից գնացել համալսարան: Համալսարանում ամեն ինչ առաջվա պես է եղել՝ բոլորը նայել են նրան, շնչացել և ծիծաղել: Ընդմիջմանը նրան է մոտեցել տղաներից մեկը և ասել, որ իրենց համար ամոթ է նրա հետ սովորել մի կուրսում, բոլոր «կապույտները» վարակիչ են, և նրան պետք է առաձնացնել նորմալ մարդկանցից: Ռ.Օ.-ն և ոչինչ չի պատասխանել և վերադարձել է տուն:



**Իրավունքի խախտման տեսակը**

Խտրականությունի պաշտպանվելու իրավունք, անձնական կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք:



**Խտրականության հիմքը**

Սեռական կողմնորոշում:



**Գործի ընթացքը**

Ռ.Օ.-ն հեռացել է համալսարանից:

# ԴԵՎՔ 16

## Նկարագրություն

Գ.Ա.-ն արդեն 4 տարի է ապրում է ՄԻԱՎ-ով և ըստ նրա խոսքերի՝ ժամանակին ընդունում է ՀՌՎ դեղերը: Հոկտեմբեր ամսին նա այցելել է Երևան քաղաքում գտնվող ատամնաբուժական կլինիկա: Մինչ հիվանդանոց այցելելը Գ.Ա.-ն ցանկացել է մի քանի իմպլանտներ տեղադրել, և գիտեր, որ այդ կլինիկան Երևան քաղաքում լավագույններից մեկն է Բժշկի հետ խորհրդատվությունը լավ է անցել և պայմանավորվել են հաջորդ այցի համար: Խորհրդատվությունից հետո Գ.Ա.-ի համար կլինիկայում անձնական թեթիկ է բացվել, որը նա լրացրել է:



**Իրավունքի խախտման տեսակը**

Խտրականությունից գերծ մալու իրավունք, առողջության պահպանման և բժշկական օգնություն ստանալու իրավունք:

:Չարացաթերթիկում նշված է եղել ՄԻԱՎ վարակի առկայության մասին հարց, որին Գ.Ա.-ն պատասխանել է «Այո»:

Չաջորդ օրը Գ.Ա.-ն զանգ է ստացել կլինիկայից, և նրան հայտնել են, որ հրաժարվում են բուժել նրա ատամները, ավելի կոնկրետ՝ իմպլանտացիան: Չանգի ժամանակ նշել են, որ նրանք իմպլանտներ չեն տեղադրում «ՁԻԱԲ-ով հիվանդներին»:



### Խտրականության հիմքը

ՄԻԱՎ դրական կարգավիճակ:



### Գործի ընթացքը

Գ.Ա.-ն ուղղորդվել է ՆԱԲԿ: Կազմակերպությունը սկսել է զբաղվել գործով, սակայն հետագայում Գ.Ա.-ն հրաժարվել է ընթացք տալ, քանի որ չի հավատացել գործի դրական ելքին և չի ցանկացել ժամանակ ու ջանք ծախսել՝ իր իրավունքները պաշտպանելու համար:

## ԴԵՎՈՒՆ 17

### Նկարագրություն

2023թ.-ի հոկտեմբեր ամսին Ս.Ա.-ն, անձնագիրը փոխելու համար, դիմել է անձնագրային բաժնի, որտեղ խնդրել են ներկայացնել զինվորական գրքույկ: Ս.Ա.-ն զինվորական ծառայություն չի անցել, քանի որ ՄԻԱՎ դրական կարգավիճակ ունի: Նա այդ մասին տեղեկացրել է անձնագրային բաժնի աշխատակցին, որից հետո աշխատակիցը գնացել է բաժնի պետի մոտ՝ ճշտելու, թե արդյոք կարող է Ս.Ա.-ից դիմում վերցնել:

Վերադառնալով աշխատակիցը հայտնել է, որ կարող են դիմում վերցնել, սակայն սկսվել է խտրական վերաբերմունք անձի նկատմամբ:

Աշխատակիցը Ս.Ա.-ից միանգամից չի վերցրել փաստաթղթերը, գնացել է ինչ-որ տեղ և վերադարձել ձեռնոցներով (դեղին գույնի, որոնք օգտագործում էին մաքրուիները): ՍԱ.-ն ոչինչ չի ասել և փաստաթղթերը թողնելով՝ հեռացել է:



### Իրավունքի խախտման տեսակը

Խտրականությունից գերծ մնալու իրավունք:



### Խտրականության հիմքը

ՄԻԱՎ դրական կարգավիճակ:



### Գործի ընթացքը

Ս.Ա.-ն ոստիկանություն հաղորդում է ներկայացրել: Այնուհետև, դեպրեսիվ վիճակում դիմել է աութրիչին, ով ուղղորդել է ՆԱԲԿ հոգեբանի և իրավաբանի մոտ: Ոստիկանությունում տրված հաղորդման հիման վրա քրեական գործ չի հարուցվել: Իրավաբանը բանավոր կապ է հաստատել անձնագրային բաժնի հետ և կարգավորել խնդիրը: Արդյունքում, անձը ստացել է անհրաժեշտ փաստաթղթերը:

## Սկարագրություն

Ֆաթիման Ինգուշեթիայից Հայաստան է տեղափոխվել «Մարեմ» կազմակերպության օգնությամբ: Նա երկար տարիներ ընտանեկան բռնության է ենթարկվել մոր և եղբոր կողմից, հատկապես՝ եղբոր: 2023թ.-ին Նոյեմբերին Ֆաթիման դիմել է «Մարեմ» կազմակերպությանը, որպեսզի իրեն օգնեն Ինգուշեթիայից տեղափոխվել Հայաստան: Հայաստան տեղափոխվելուց հետո մեկ շաբաթ անց Նրան բերման են ենթարկել և տեղափոխել Երևան քաղաքի ոստիկանության բաժին: Բաժնում Ֆաթիմային սպասելիս է եղել իր հորեղբայրը: Նա սկսել է սպառնալ Ֆաթիմային, որ եթե չվերադառնա, Նրան կձերբակալեն գողության կամ այլ հանցանքի համար: Ոստիկանության բաժնում Ֆաթիման խնդրել է, որ իր հարազատներին թույլ չտան իրեն տեսակցել, քանի որ չի ցանկանում Նրանց տեսնել, սակայն բաժնում ոչ ոք Նրան չի լսել: Ավելին, Նրանից վերցրել են իր հեռախոսը, միացրել այլ հեռախոսի և այլն:



### Իրավունքի խախտման տեսակը

Անձնական անձեռնմխելիության և բռնությունից զերծ լինելու իրավունք, կամայական ձերբակալությունից/կալանքից զերծ մնալու իրավունք, ազատ տեղաշարժվելու և բնակության վայր ընտրելու իրավունք:



### Խտրականության հիմքը

Սեռ, ազգություն, էթնիկ պատկանելիություն կամ կրոն:




### Գործի ընթացքը

Ֆաթիմային սկսել են օգնել տեղական կազմակերպություններ՝ տրամադրելով իրավաբաններ և ապաստարան: Ըստ Ֆաթիմայի՝ Հայաստանի պետական ապաստարանում հրաժարվել են Նրան ընդունել: Նա օգնության խնդրանքով դիմել է «Նոր Սերունդ» Մարդասիրական ՀԿ: ՄԱՀԿ-ն Նրան տրամադրել է ապաստան, սնունդ, հիգիենայի պարագաներ, հոգեբանական և իրավաբանական ծառայություններ: ՄԱՀԿ-ն ոստիկանության բաժնում տեղի ունեցած իրադարձությունների մասով գործը փոխանցել է մեկ այլ կազմակերպության, որը տրամադրել է փաստաբան:

ԵԶՐԱԿԱՃՈՒԹՅՈՒՆ

Ծրագրի շրջանակներում 2023թ.-ի ընթացքում Հայաստանում արձանագրվել է իրավախախտումների 110 դեպք՝ փաստաթղթավորված REAct տվյալների բազայում.




Փաստաթղթավորված իրավախախտումները մեծամասամբ հիմնված են անձի սեռական կողմնորոշման և գենդերային ինքնության վրա: Այնուամենայնիվ, որոշ դեպքերում վերլուծությունը ցույց է տալիս բազմակի խտրականության դեպքեր, որտեղ խտրականության հիմքը տուժողի սեռական կողմնորոշումն է և/կամ գենդերային ինքնությունը՝ կապված սեքս աշխատանքում ներգրավվելու հետ, իսկ որոշ դեպքերում՝ պայմանավորված ՄԻԱԿ դրական կարգավիճակով:

**Արձանագրված դեպքերով հիմնականում խախտվել են անձանց հետևյալ իրավունքները՝**

- Անձնական կյանքի, բնակարանի անձեռնմխելիության իրավունք, հաղորդակցության ազատության և գաղտնիության իրավունք
- Ստրկության չենթարկվելու իրավունք
- Խտրականությունից զերծ մնալու իրավունք
- Կյանքի իրավունք
- Կամայական ձերբակալությունից/կալանքից զերծ մնալու իրավունք
- Ազատ տեղաշարժվելու և բնակության վայր ընտրելու իրավունք
- Անձնական անձեռնմխելիության և բռնությունից զերծ լինելու իրավունք
- Օրենքի առջև հավասարության և պաշտպանության իրավունք
- Խոշտանգումներից և անմարդկային, արժանապատվությունը նվաստացնող վերաբերմունքից կամ պատժից զերծ մնալու իրավունք
- Առողջության պահպանման և բժշկական օգնություն ստանալու իրավունք
- Պատվի, արժանապատվության և համբավի պաշտպանության իրավունք

Բոլոր իրավախախտումների հիմքում ընկած է խտրական վերաբերմունքը կապված անձի ենթադրյալ կամ իրական որևէ հատկանիշի հետ՝ սեռական կողմնորոշում և/կամ գենդերային ինքնություն, ՄԻԱԿ դրական կարգավիճակ, սեքս աշխատանքով զբաղվելը, թմրամիջոցի գործածումը և այլն: Որոշ դեպքերով խախտվել են անձանց մեկից ավելի հոսանույթներ:

**Իրավախախտումները կատարվել են հետևյալ անձանց կողմից .**




ՁԿՀ-ի կենտրոն կամ ՄԻԱԿ-ի բուժման հետ կապված այլ ԲԿ

Ինչպես արդեն երևում է վիճակագրությունից, մեծամասնություն են կազմում անձանոթների կողմից կատարված իրավախախտման դեպքերը: Այն ևս մեկ անգամ փաստում է ՀՀ-ում խոցելի խմբերի նկատմամբ անհանդուրժողական վերաբերմունքի, խարանի և խտրականության բարձր ցուցանիշի մասին:

Հաջորդիվ հանցագործությունների դեպքերի բարձր ցուցանիշ է արձանագրվել սեքս աշխատանքով զբաղվող անձանց հաճախորդների կողմից: Սա ցույց է տալիս իրավական անհրաժեշտ մեխանիզմների ներդրման անհրաժեշտությունը ևս, քանի որ սեքս աշխատանքով զբաղվող անձինք չունեն իրավական պաշտպանվածություն, ավելին՝ սեքս աշխատանքով զբաղվելու համար ՀՀ օրենսդրությամբ վարչական պատասխանատվություն է նախատեսվում, և այդ պայմաններում անձինք չեն կարողանում դիմել իրավական պաշտպանության:

իրավական պաշտպանության դիմելուց բացի՝ նաև նվազում է դիմելիությունը բժշկական հաստատություններ՝ բժշկական օգնություն և սպասարկում իրականացնողների կողմից խտրական դրսևորումների պատճառով: Արձանագրված դեպքերով վերջիններս խախտել են անձանց բժշկական գաղտնիքը և առողջական վիճակի մասին տեղեկատվությունը հայտնել այլ անձանց՝ ընտանիքի անդամ, վարձատու, հարևան և այլն, որի հետևանքով անձինք կրկնակի խտրականության են ենթարկվել: Իսկ որոշ դեպքերում հրաժարվել են բուժօգնություն տրամադրել անձին այն բանից հետո, երբ բացահայտվել է նրա ՄԻԱԿ դրական կարգավիճակը կամ սեռական կողմնորոշումը և այլն: Այս ամենը բացասաբար է անդրադառնում մի շարք հիվանդությունների կանխարգելման և բուժման համար:

Տուժողները մեծաասամբ չեն ցանկանում իրավախախտումների գործերով դիմել իրավական մարմիններին, քանի որ վերջիններս կողմից առկա է կողմնակալ վերաբերմունք, տրանսֆոբիայի և հոմոֆոբիայի բարձր մակարդակ: Այդ և այլ պատճառներով անձինք մեծաասամբ չեն ցանկացել գործերին ընթացք տալ:



Փաստագրված որոշ դեպքերում հենց իրավապահ մարմինների կողմից են խախտվել անձանց իրավունքները, իսկ մնացած գործերով խախտվել են իրավական պաշտպանության դիմելու ընթացքում:

Դեպքերից 43-ով անձինք չեն ցանկացել դիմել իրավական պաշտպանության և գործին ընթացք տալ, քանի որ վախեցել են բացահայտել իրենց սեռական կողմնորոշումը կամ գենդերային ինքնությունը, անհանգստացել են իրենց կյանքի և անվտանգության համար, վախեցել կամ չեն վստահել իրավապահ մարմիններին նախկինում ունեցած վատ փորձի պատճառով:



Պաստազի, ՀՀ ոստիկանության համակարգը, որն օժտված է մարդու անվտանգության ապահովման, հանցագործությունների կանխման, բացահայտման և օրենքով սահմանված այլ լիազորություններով, վստահություն չունի խոցելի խմբերի շրջանում, ավելին համակարգում դրսևորվող կողմնակալ վերաբերմունքը և տրանսֆորմայի ու հոմոֆոբիայի բարձր մակարդակը բացասաբար է անդրադառնում հանցագործությունների կանխարգելման և անձանց խախտված իրավունքների վերականգնման վրա:

Արդյունքում, խարանի, խտրականության, բռնության և/կամ խոշտանգման ենթարկված անձինք զրկվում են իրենց խախտված իրավունքները վերականգնելու հնարավորությունից, որի հետևանքով հանցագործություն կատարած անձինք պատասխանատվության չեն ենթարկվում, ինչը ևս խթան է հանդիսանում նոր հացագործությունների համար:

Որոշ գործերով անձինք չեն ցանկացել բողոք ներկայացնել հանցագործների դեմ, քանի որ մեղավորները եղել են իրենց ծանոթները կամ հարազատները: Հիմնականում, նման իրավիճակները ընտանեկան բռնության գործերով են եղել:

ԱՌԱՋԱՐԿՈՒԹՅՈՒՆՆԵՐ

- ՀՀ Սահմանադրության 29-րդ հոդվածում ներառել սեռական կողմնորոշումը և գեղեցիկության ինքնությունը որպես խտրականության պաշտպանված հատկանիշ,
- Ընդունել «հրավահավասարության ապահովման մասին» ՀՀ օրենքը, որում պաշտպանված հիմքերի ցանկում ներառված կլինեն սեռական կողմնորոշումը և գեղեցիկության ինքնությունը,
- ՀՀ քրեական օրենսգրքի 203-րդ, 329-րդ և 330-րդ հոդվածներում սեռական կողմնորոշումը և գեղեցիկության ինքնությունը համապատասխանաբար ներառել որպես խտրականության պաշտպանված հատկանիշ, ատելության հրապարակային հայտարարության և բռնություն գործադրելու հրապարակային կոչի, սպառնալիքի շարժառիթ,
- ՀՀ աշխատանքային օրենսգրքի 3.1 հոդվածում ներառել սեռական կողմնորոշումը և գեղեցիկության ինքնությունը որպես խտրականության պաշտպանված հատկանիշ,
- Ապավարչականացնել սեռական ծառայություն մատուցումը և համապատասխան փոփոխություններ կատարել ՀՀ վարչական և քրեական օրենսգրքերում,
- հրականացնել իրազեկվածության մակարդակի բարձրացմանն ուղղված դասընթացներ, հատկապես ոստիկանության, հատուկ քննչական ծառայության, ազգային անվտանգության ծառայության, պաշտպանության նախարարության և պետական այլ կառույցների աշխատակիցների շրջանում:

«Նոր Սերունդ» Մարդասիրական ՀԿ-ն (ՆՍՀԿ)  
ոչ առևտրային հասարակական  
կազմակերպություն է, որը հիմնադրվել է  
1998թ.-ին Հայաստանում:  
ՀԿ-ն իր գործունեությունն իրականացնում է  
ելնելով մարդասիրական սկզբունքներից՝  
նպաստելու հասարակության և հատկապես  
խոցելի խմբերի հիմնախնդիրների  
կարգավորմանը:





[contact@ngngo.net](mailto:contact@ngngo.net)  
[www.ngngo.net](http://www.ngngo.net)



+374 60478989  
+374 55478980

© 2024. Published by New Generation Humanitarian NGO  
© 2024. Designed by New Generation Humanitarian NGO